

ԸՆԴՈՒՆԵԼՈՒԹՈՒՆ ՄՅՈՒՌՈՆՕՐ ՀՆՈՒԹՅԱՆ ԱՌԹԻՎ

Մյուռոնօրինների արարողությունից հետո Վեհաքանում տեղի ունեցավ ընդունելություն:

Ընդունելով ներկաների բարեմաղթանքները և շնորհավորանքները, Վեհափառ Հայրապետը ողջույնի խոսքով դիմեց նրանց.

«Այսօր հայ ժողովուրդը հոգևոր և ազգային վերապարթոնքի բերկրալի օրեր է ապրում, - ասաց Նորին Սրբությունը, - և այստեղ, այս սրբազնագույն վայրում, առաջին անգամ, որպես Ամենայն Հայոց Կաթողիկոս, ես օրհնեցի Սրբալույս Մյուռոնը: Օրհնեցի երեք կաթալով՝ այն համոզու՜ով, որ պիտի բազմապատկվեն մկրտությունները, ձեռնադրությունները և օծումները»:

Վեհափառ Հայրապետը մեծ ուրախություն պատճառեց ներկաներին, երբ ասաց. «Ինչպես Մեր ընտրության և գահակալության օրով իմ բարեկամներէն երիտասարդ ազգային բարերար Վաչէ Մանուկեանը իշխանական նուիրատուութիւն էր կատարած Մայր Աթոռ Ս. Էջմիածնին՝ յատուկ ֆոնտ հաստատելով՝ ի նպաստ Ամենայն Հայոց Կաթողիկոսության այս սրբազնագոյն կենտրոնին, այնպես և այսօր դարձեալ իմ բարեկամներէն և ազգային բարերար Վահան Ծամկեանը իր ուրախութիւնը կը յայտնէ և իր զօրակցութիւնը Մայր Աթոռին՝ ստանձնելով 1997 տարւոյն համար բարերարութիւնը Հոգևոր Ճեմարանի հանրակացարանի նոր շէնքի կառուցման»:

Բուռն ծափահարություններով ընդունվեց Վեհափառ Հայրապետի այս հայտարարությունը:

Ողջույնի խոսք ասաց Հայաստանի Հանրապետության նախագահ Լևոն Տեր-Պետրոսյանը: Պրն. նախագահը մյուռոնօրինության առթիվ բարեմաղթանքի իր խոսքում շեշտեց, որ 3-րդ հազարամյակի նախաշեմին երկու գլխավորագույն խնդիրներ կան լուծելու. Արցախ Աշխարհի վերամիավորումը Հայաստանին և Հայ Եկեղեցու միասնության վերականգնումը:

Մյուռնիետև Հանրապետության նախագահը բարեմաղթեց ասելով. «Վեհափառ Տեր, Դուք նշեցիք, որ հին Մյուռոնը ավարտվեց հինգ տարվա ժամանակահատվածում: Ես մաղթում եմ, որ Ձեր նոր օրհնյալ երեք կաթսա Մյուռոնը էլ ավելի շուտ վերջանա Հայ Եկեղեցու կատարած ձեռնադրությունների և մկրտությունների շնորհիվ ի շահ և ի բարգավաճություն մեր ժողովրդի»:

Ընդունելության ընթացքում Մեսրոպ Արք. Աշճյանը կարդաց Մեծի Տանն Կիլիկիո Կաթողիկոս Արամ Ա-ի ողջույնի նամակը: Ընորհավորանքի և ողջույնի խոսքեր ասացին Երուսաղեմի Հայոց Պատրիարք Թորգոմ Արք. Մանուկյանը, Թուրքիո Հայոց Պատրիարքությունից՝ Ծահան Արք. Սվաճյանը, Միտրոպոլիտ Պիտրիիմը, Սիալցխայի կաթոլիկ եկեղեցու առաջնորդ Սերգեյ Եպիսկոպոսը:

Բացառիկ ոգևորության, ազգային միասնության, հոգևոր վերապարթոնքի և վերանորոգումի օր եղավ սեպտեմբերի 8-ը Ս. Էջմիածնի դարավոր պատմության մեջ:

ՄԱՄԼՈ ԴԻՎԱՆ ՄԱՅՐ ԱԹՈՌԻ